



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O IMENOVANJU ODBORA ZA DODJELU
„ŠESTOAPRILSKJE NAGRADE GRADA SARAJEVA“
U 2024. GODINI
(radni materijal)

Predlagač:
Komisija za izbor i imenovanja

Obrađivač:
Stručna služba za poslove Gradskog vijeća

Sarajevo, oktobar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Na osnovu člana 31. stav (1) tačka s) Statuta Grada Sarajeva („Službene novine Kantona Sarajevo“, broj 7/23) i člana 14., a u vezi sa članovima 5., 20., i 22. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, br. 41/22 i 49/22), Gradsko vijeće Grada Sarajeva, na __sjednici održanoj dana __. __.2023. godine, donijelo je

(radni materijal)

ODLUKU
o imenovanju Odbora za dodjelu
„Šestoaprilske nagrade Grada Sarajeva“ u 2024. godini

Član 1.

Imenuje se Odbor za dodjelu “Šestoaprilske nagrade Grada Sarajeva” u 2024. godini koji čine članovi Komisije za izbor i imenovanja Gradskog vijeća Grada Sarajeva te istaknuti javni djelatnici akademik Kemal Hanjalić, Prof.dr. Hadžan Konjo, Mirsada Murtić, dr.sc., Prof.dr. Jasmina Selimović, Prof.dr. Amela Mustafić i Prof.dr. Ifet Mahmutović.

Član 2.

Mandat članova Odbora za dodjelu “Šestoaprilske nagrade Grada Sarajeva” iz člana 1. ove odluke prestaje usvajanjem izvještaja o radu Odbora od strane Gradskog vijeća Grada Sarajeva.

Član 3.

Članovi Odbora za dodjelu “Šestoaprilske nagrade Grada Sarajeva” iz člana 1. ove odluke imaju pravo na naknadu za svaku održanu sjednicu u istoj visini naknade koja je utvrđena kao i za ostala radna tijela Gradskog vijeća Grada Sarajeva.

Član 4.

Ova odluka stupa na snagu danom donošenja, a objavit će se u “Službenim novinama Kantona Sarajevo”.

PREDSJEDAVALAČI GRADSKOG VIJEĆA

Jasmin Ademović

Broj:
Sarajevo,



OBRAZLOŽENJE

PRAVNI OSNOV

Pravni osnov za donošenje ove odluke sadržan je u odredbama člana 31. stav (1) tačka s) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće donosi propise o uslovima i načinu dodjele i odlučuje o dodjeli „Šestoaprilske nagrade Grada Sarajeva“ i priznanja „Počasni građanin Sarajeva“ te drugih nagrada i priznanja Grada Sarajeva.

Pravni osnov sadržan je i u članu 14. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, br. 41/22 i 49/22), kojim je, između ostalog, propisano da Gradsko vijeće imenuje Odbor za dodjelu „Šestoaprilske nagrade Grada Sarajeva“ i to najkasnije na oktobarskoj sjednici Gradskog vijeća, kao i da Odbor čini ukupno 13 članova, i to sedam članova Komisije za izbor i imenovanja Gradskog vijeća i šest članova iz reda istaknutih javnih djelatnika iz oblasti: privrede, nauke i obrazovanja, kulture i umjetnosti, sporta, zdravstva i socijalne zaštite i drugih oblasti rada i stvaralaštva, za koje se Nagrada dodjeljuje. Pitanje mandata Odbora, kao i naknada članovima Odbora propisani su članovima 20. i 22. Odluke.

RAZLOZI DONOŠENJA

Članom 14. Odluke o uslovima i načinu dodjele „Šestoaprilske nagrade Grada Sarajeva“ propisano je da Gradsko vijeće imenuje Odbor za dodjelu „Šestoaprilske nagrade Grada Sarajeva“ i to najkasnije na oktobarskoj sjednici Gradskog vijeća, te da Odbor čini ukupno 13 članova, i to sedam članova Komisije za izbor i imenovanja Gradskog vijeća i šest članova iz reda istaknutih javnih djelatnika iz oblasti: privrede, nauke i obrazovanja, kulture i umjetnosti, sporta, zdravstva i socijalne zaštite i drugih oblasti rada i stvaralaštva, za koje se Nagrada dodjeljuje.

Kolegij Gradskog vijeća Grada Sarajeva kandiduje Komisiji za izbor i imenovanja kandidate za članove Odbora iz reda istaknutih javnih djelatnika.

Komisija za izbor i imenovanja utvrđuje Prijedlog Odluke o imenovanju Odbora za dodjelu „Šestoaprilske nagrade Grada Sarajeva“ u 2024. godini i upućuje ga Gradskom vijeću Grada Sarajeva na razmatranje i usvajanje.

RJEŠENJA IZ PRIJEDLOGA

U članu 1. Prijedloga Odluke, imenuje se Odbor za dodjelu „Šestoaprilske nagrade Grada Sarajeva“ u 2024. godini.

U članu 2. Prijedloga Odluke, utvrđuje se mandat članova Odbora.

U članu 3. Prijedloga Odluke, utvrđuje se pravo na naknadu za rad članovima Odbora.

U članu 4. Prijedloga Odluke, propisuje se stupanje na snagu Odluke.

FINANSIJSKA SREDSTVA

Sredstva za realizaciju ove odluke planiraju se u Budžetu Grada Sarajeva u dijelu planiranja sredstava za rad radnih tijela Gradskog vijeća Grada Sarajeva, a isplaćuju se jednokratno.